

Donostian, Diputaziñoan, bildu dira: Ignacio Maria Etxaide jauna, buru, Aita Villasante, Mitxelena, Lojendio, eta Arrue jaun euskaltzaiñak. Etxaniz, San Martin, Zugasti, eta Irigoyen jaun urgazleak.

Oi dan otoitzagaz asi da batzarra.

Buenos Aires-tik Rufino Arregui jaunak idatzi dauen karta bat irakurri da. Telebistako izen tekniko batzuk zelan esan jakin gura leuke. Problemearen itxura asko azaldu dira: noiz euskal-izen egokia imini leitekean, noiz erderatiko euskal-izen jatorra erabili, ta noiz modernua ta kultura-izkuntza askotara zabaldua. Mitxelena jaunak prestau begi erantzuna.

Villarreal de Urrechua-ko Ayuntamentutik artu dan ofizio bat irakurri da. Berreun eta berrogetaamar peseta emotea erabagi dabe Euskalerriko bertsolarien txapelketeari laguntzeko.

Aita Diego J. de Alzo-k idatzi dauen karta bat irakurri da. Diño Gipuzkoako ta Nafarroako euskerea estudietan dauen lan bat argitaratzeko daukala. Baiña dirukontua erabagi bear dauela asi baiño leen. Eta "Caja de Ahorros Provincial de Guipúzcoa"-ri Euskaltzaindiak bere ordezkabide bat egin deion gura leuke. Ezta erabagiten ezer.

Irigoyen jaunak diño Urtarrilaren 6-an eta 29-an Bilbon egitekoak direan jai bien prestakizunak zelan dagozan.

Azkuere iztegi barriztauaren lanen alde dirua lortzeko moduz berba egin da. Datorren batzarreko zerbait estudiantu bedi kontu ori erabagi al izateko.

Mitxelena jaunaren sarrera itzaldia Urtarrilaren 22-an izango da Erreterian. Bere lanaren titulua au da: XVII eta XVIII-garren mendeko euskal-iztegi lanak Euskalerrian "Aita Villasante-k" egingo deusko erantzuna.

Irigoyen jaunak diño Eneko Irigaray jaunagaz egon dala eta arek berba emon deusola teatro-taldeen txapelketan bost milla pesetako sariak iminteko bere diruagaz erantzungo dauela, eta gura leukeala iru sari egon daitezkan: lenengoa iru milla pesetako, bigarrena bi millakoa, eta irugarrena millakoa. Ontzat artu direan oiñarriak oneik dira:

Euskaltzaindiak eratzen dituen teatro-taldeen arteko txapelketa

Euskaltzaindiak euskal-teatro-taldeen artean egiteko txapelketa bat jartzen du. Nai duten talde guztiak parte artu dezakete. Oiñarriak auek dira:

1. Parte artu nai duten talde guztiak 1961 Ilbeltzaren 31-a baiño leen eman bear dituzte izenak Euskaltzaindiaren etxean —Ribera, 6 - Bilbao—. Izena ematen dutenean irureun peseta pagatu bear dituzte.

2. Euskaltzaindiak juradu bat izendatuko du txapelketa erabakitzeke eta arek sots egingo du ze ordenatan parte artu bear duten izena eman duten taldeak jakiteke. Txapelketa 1961 Otsaillaren 26-an asiko da.

3. Talde bakoitzak nai duen obra oman dezake, baiña gutxienez ekitaldi bi izan bear ditu. Nai duten errian eta teatro-gelan eman dezakete, eta aukeratu duten tokira joan bear du juraduak.

4. Teatro-obrak emateko eskatu oi diran baimenak parte artzen duen talde bakoitzak lortu bear ditu.

5. Sariak izango dira: 1) Kopa nagusia eta iru milla peseta. 2) Bi milla peseta. 3) Milla peseta. Gaiñera emakumezko jokolari onenari kopa bat emango zaio eta beste bat gizonezko onenari.

6. Juraduaren erabakia aintzat artu bear izango da eta parte artzen duten talde guztiak oiñarri auetara makurtzen dira.

Arrue jaunak Donostian egin dan Euskalerriko bertsolarien txapelketearen barri emon dau. Euskaltzaindiaren aldetik egin direan gastu guztiak "Centro de Atracción y Turismo"-k pagau ditu beste alde batzuetatik artu direan diru batzuk kenduta. Eskerrak emon bekiez diruzko ta bestelako sariak eskeiñi dituezan guztiai. Eskerrak emon bekiez baita prestakizunak egiten parte artu daben guztiai be: Mixelena, Arrue, Irigaray, San Martin, Fernando Artola, ta Irigoyeneri, ta baita juradukoai be.

Itzaropena Zarauzkoa Euskalerriko bertsolarien txapelketearen ekitaldi osoa argitaratzeko prest dago. Irigoyen eta San Martin egon beitez aregaz gauza onen gaiñean tratu bat egiteko.

Irigoyen jaunak diño bere izena emon gura eztauen batek telefonoz deitu deutsola eta prest dagoela Euskaltzaindiaren etxeko gela batean "pinkí" emotea kastetan dana pagetako. Iñok jakin eztaien bera nor dan jiro postalez bialduko leuke dirua Irigoyen jaunak Euskaltzaindiaren izenean ipini baleu legez. Ontzat artzen da eta egin bedi. Telefonoz deitzen dauenean eskerrak emon bekioz.

Aita Villasante-k euskal-metodo egin barri bat ekarri dau. Bere egillea Fr. Juan Azurmendi da. Gipuzkoako euskeraz dago. Arakatu bedi zeatz. Belausteguigoitia jaunak euskal-metodo bat egiteko dirua emon ebanean Bizkaiko euskeraz izatekotan emon eban. Eta egilleak itzuli bearko dau.

Aita Villasante-k Euskaltzaindiko gramatikearen lenengo zatia irakurri dau. Lafitte jaunari na mugaz gorakoai be bialdu bekie arakatu daien.

Beste barik oi dan otoitzagaz amaitu da batzarra.